



Digitized by the Internet Archive
in 2010 with funding from
Boston Public Library

74

PROCEZ

VERBAL DE CE QVI
s'est passé à Bordeaux en la pre-
sence du Roy, & qui a donné
subiect à la Cour, de donner Ar-
rests & decret.

CONTRE LES COMPLI-
ces de l'assassinat du Concierge, & l'
rupture des prisons de la Concierge-
rie.

M. DC. XV.

PROCES

STATE OF

IN

AND

VS

THE

COMMON

WE

THE

THE

THE


THE

THE

THE

THE

THE



M O N S I E V R ,

Depuis mes precedentes, il ny a pas eu grandes choses pour les affaires generales, dont je vous puisse ny doive faire part, sinon que ie vous diray que Monsieur le Cardinal de Sourdis a entretenu le tapis depuis quatre iours, dont voicy l'histoire. Vn Gentilhomme nomme Hault Castel prisonnier en la Conciergerie de ceste ville pour diuers & enormes crimes fut condamné lundy par la grand' Chambre a auoir la teste tranchee, & par ce qu'il appartient à force gens on fit instance au Roy de le sauuer & luy dōner abolition: mais dautāt que la chose pressoit, on commāda a vn Lieutenant des gardes d'aller aux prisons & empescher l'execution attendant l'abolition. Sur ce, La Cour deputa vers leurs Majestés & Mōsieur le Chancelier pour les informer du faict, & le leur ayant fait veoir, l'abolition ne fut point expediee & eurent mandement de fai-

re Iustice, & fut enuoyé vers ledit Lieutenant des Gardes & Archers, afin de se retirer, on feit donc estat de le faire executer dès le soir aux flâbeaux pour éuiter qu'on ne fust empesché si on attendoit iusques au lendemain, & fut mené à la Chappelle, ou on luy bailla pour confesseur vn Iesuite qui l'ayant ouy, dict que cest homme auoit tant de diuerses offenses sur sa conscience qu'il luy failloit plus de trois heures pour le confesser & admonester, & qu'il falloit remettre cela au lendemain, d'ailleurs il ny eust moyen de trouuer l'executeur, l'vn ayant esté pratiqué pour faire ceste remise & l'autre gagné par argent pour s'absenter, voila doncque par necessité ceste executiõ differée au lendemain & toutes choses preparees pour la faire sur le midy: mais la Cour estant leuee, & Messieurs retirez, incontinant suruint Monsieur le Cardinal botté & esperonné sur vn bon Cheual, deuant lequel marchoit aussi botté & esperonné vn sien aumosnier sur vn autre Cheual portant la Croix, & en cet estat assisté de trente ou quarante Cheuaulx, la

plus part desquels estoient Gentilshommes de marque, qu'il auoit prié de l'assister sans leur dire particulièrement ce qu'il vouloit faire, & tenant vn papier à la main approchant du Palais crioit grace, grace, viue le Roy, estant arriué à la porte du Palais il la trouua fermee, & la fit enfoncer par gens qu'il auoit à ceste fin menez avec luy, & estant entré à la porte de la Cōciergerie, il fait le mesme, & trouuant le Geolier le voulut cōtraindre de luy bailler les clefs, sur le refus, il fut tué de plusieurs coups d'espee, ses clefs prises, & ledit hault Castel tiré du cachot & mis en liberté, qu'il fait conduire sur la riuere & mettre dās vn basteau. Luy en suite se retira de la ville, & le basteau de Hault-Castel, estant desia vn peu aduancé pour passer, le fait r'approcher pres du sien, & le faisant mettre à genoux, luy donna sa benediction, & puis chascun print son chemin, luy s'en alla à Lermont à vne maison qui est à vne lieue de ladicte ville. Sur ceste violence, La Cour s'assemble, & allerent en corps à pied, avec les bon-

nets treuuer leurs Majestez , faire leurs plaintes de cest attentat , & les supplier que iusque à ce qu'il fust réparé, les complices punis & le condamné remis , ils feussent dispensez de faire aucun acte de Iustice, au reste des subiects de sa Majesté. Le Roy leur declara qu'il vouloit qu'ils procedassent contre le Cardinal, & ses adherants, par les formes & voyes ordinaires, pour la reparation d'un tel crime, qu'à cela il leur tiendrait la main, & les autoriseroit , mais qu'il vouloit aussi qu'ils continuassent à rendre la iustice aux particuliers , en suite ils ont decretté prise de corps contre luy, & contre plusieurs de ses adherants , l'ont ce iourd'huy fait crier à trois briebs iours ses biens saisis, & en outre deffences à tous les subiects du Roy de l'assister, ny recevoir és Villes, Chasteaux, ou maisons, luy prester main forte, ny assistance, sur peine de crime de leze Maieité, & outre la publication, ont fait afficher son arrest és carrefours, & sont bien resolu de continuer leurs poursuites , voilà l'histoire de ce nouveau Esprit qui allant vers

ceux qui estoient ez prisons à resuscité
vn mort, & fait mourir vn viuant, & pour
cest effect en la presence du Roy, à abusé
de son nom & autorité, pour commet-
tre vne telle violence indigne de monter
en la pensèe d'un homme de sa qualité.

...the first of the ...
...the second of the ...
...the third of the ...
...the fourth of the ...
...the fifth of the ...
...the sixth of the ...
...the seventh of the ...
...the eighth of the ...
...the ninth of the ...
...the tenth of the ...